

1 JON

Jonin ti kamim Jisis siya niisiisiimauuim simiir nwir ieya. Ti Jonin saisakinairgin biya Jisisni yai win kibiyim sim niki winkyin simiir nanaakninkiyam. Mi biigibiyan yokwowa Jon siya winkyia ya iikamim naingwo tibmiyim simiir boinkika sima, simiir naingwo tibmiya pi sibgu onkwokripkaiyim ta yaiya yipika Jon siir nhwokinhwokar kiga mi siir wingwiingar mi wakaeya Jisis siirim. Siya simiirin min boinkikin sima iki kamim niksisaeyim sima boinmimauuim dimin taeminim Jisis siir yayim simiir hiriinan nwo karam nwowim simiirsi mintirao. Siya simiirin ti hinina boinkikin, sima ti nuan siyupai siyupaiyim simiiram kipi naingwokwo sima irni nwirniyam naingwokwonanaeya Jisis siya hauua sair hiriinan daingwokwonanae. Iriig.

Yaiyim krimiir whinkinsiis haiginiuwiyim inigak krīma nwoyokiyokiikaeyamam sima

¹ Ta yokwowa krīma winkika Jisis Krais siir, yipiki krīma dapiyin Yai. Biigi biyarin Krais siya ha nwokin mi siyairgin kwoinbudin omwaiwaiyayokiyokiiyin siir bwamkibwamin. Mi tariinanin krīma siir bidi wakaeyim mi siirin krimaki krimar kigin mi siirin krimiir ingar nonkwokiugin.

² Mi kwoinbudin omwaiwaiyayokiyokiiyin siir bwamkibwamin ini siyar ywowskiyin mi iya siya nita krīma siir bidiyar kigim mi tariinanin

krɪma siirɪn kɪmiir asi boɪnmɪmauuwi. Tɪ inkam nwɪruwan yɪpɪkɪ ɪnokɪnokɪn hɪriiyar nwowiyɪn. Bɪiya siya Adi Komii krɪmiir Wanɪn saika nikɪ okɪn mɪ ɪni siyar yanaaknɪnkiibudgiyɪn.

³ Dimɪn taemɪnim krɪma kɪgɪm yɪm tɪ sɪma krɪma boɪnmɪmauuwɪm kɪmiir mɪ ta hɪriinan saiirsika kɪma wɪ ɪrɪpa asi nongwomamaɪri krɪmiir hɪriinan ta krɪma nwowiya Adi Komii saika mɪ siir yɪnisɪm ɪeya Jisis Kraiss saiir hɪriinan mɪ nim krɪma ɪni kwoɪn whɪruwar ywowɪskiyɪm.

⁴ Mɪ krɪma ta yokwowa kɪmiiramɪn hɪriinanam wɪnkika kɪma wɪ nwokɪ sibgu ɪnoknɪnkɪnim tɪ dimɪn taemɪnim sɪmiirɪn mɪ kɪma mɪ krɪma, krɪmiir kwoɪnim wɪ maɪrgɪmaɪrga nikɪ owɪm. ɪriig.

Krɪma Adi Komii krɪmiir wanɪn, siir dimɪn kɪbi kɪbiyɪm sɪmiirarar wakaeyokna ap

⁵ Tɪ yayɪm Kraiss siya boɪnmɪmauuwɪm krɪmiir mɪ nim krɪma tɪsi kɪmiir swokɪ kwaboɪnmamauuɪm. Adi Komii krɪmiir Wanɪn siya ɪni bienan ywowɪn siya nɪi wara bɪ swokɪ ominominikɪn.

⁶ Mɪ krɪma tɪ hɪniɪna boɪni siya mɪ krɪma ɪni kwoɪn whɪruwar ywowɪm mɪ krɪma dimɪn biyɪe tɪri, nim wɪ nɪibwomambwo naprɪrɪri, nim krɪma pɪ nɪksisaekɪm mɪ krɪma Adi Komii siir yayɪ kɪbikikɪbiya saiir bɪ wakaeyokna apkɪm nim siyɪu bibiyɪeyɪm dimɪn biyɪe tɪriyɪm sɪmiir napkɪm.

⁷ Mɪ krɪma tɪ siyɪu kɪbikikɪbiyɪn Adi Komii siya nwowiyɪn siirgisiir nwowi mɪ krɪma wɪ ɪrɪpar nongwomamaɪr aekiyami siir nhɪeya saiir kɪrieni mɪ ta nhɪeya yɪpɪkɪ siir yɪnisɪm ɪiira Jisis naokiinai-ɪniya ɪiya siya naonama mɪ tɪ dimɪn biyɪe biyɪeyɪm

kríma tírím yím siya símíirín wí híriiyar haiyoprimdiyíumíiyokíyokíyami mí krímiir kwoíním ìní rírmíigírírmíiyar ywokíyím.

⁸ Mí kríma ha boíní ním kríma díímín bíyíe whírímín whírímín karamaeka, ním kríma, kríma krímar swokí príiyíksasaenaéí mí Adí Komíí síir yai kíbí kíbíyím yím wí krímiir kwoínau haígí okai rani.

⁹ Mí tí díímín bíyíe bíyíeyím kríma tírím símíir boínínkíí. Dímusí rani, Adí Komííyín díímín whírki bí kímbugín mí siya ta nímbin aír nonkworínukrípkaiyím díímín bíyíe bíyíeyím wí siya haiyoprimdiyíumiigi mí krímiir kwoíním wí rírmíigírírmíiya nwokíí.

¹⁰ Mí kríma hínnína boíní ním kríma díímín bíyíe bí tírkím mí kríma Adí Komíí síirín wí hínnína boíní, Adí Komíí siya níksísaeyan ínkamkín. Dímusí rani, ombud komííyín díímín bíyíe kína bídí tírím. Íriig.

2

Kraisín, ínkamín díímín whírki kímbu karamae nwowín krímiirín siya whínkínsíís haígíníugín

¹ Tí káriir nomíiyauím kara náíngwokwonanaéiyím, kara tí yayíím kímíiram wínkíkím mí ta híriínan saíirsíka kíma díímín bíyíe páínísí tírsí. Mí krímiir nwírki díímín bíyíe tírí, ním kríma Jísís Kraiskakáírgím tí ínkamín díímín whírki kímbu karamae nwowín síirín wí síyar whínkínsíís haígíníuwi. Síya wí Adí Komíí sííram así sríigi wí krímiírsí sríigíí.

² Yíó Jísís Kraís sasaírgín yípíkí bídí bídíniya sasáir nínkín ímíiyaenan Adí Komíí krímiir Wanín

siir ti dimin biyie biyieyim simiirsi siirgisiir nhe aairar mi ti io kwoin Adi Komii siya naingwowiyin krimiiram yo siya bidi yikripkiyin. Dimusi rani, dimin biyie biyieyim krīma tirim siya ti hiriinan simiirsi naokin simiir haiyoprimdiyūmiigiyim. Yo krimiir dimin biyie biyieyim simiirara rani. Nīngaka. Siya iki iikam whiekakim hinda tīndanim simiir dimin biyieyim simiir warar haiyoprimdiyūmiigikim.

³ Mi krīma siir yai imiir sibgu wakaeyokna api mi krīma siirin wi haningin sibgu ninokninkini.

⁴ Mi inkam nwirin ha boini, mi kara Adi Komii siirin ina sibgu inokninkinin mi siya yai imiir wakaeyokna ap karamae nwowi mi ti inkam hiriinanin yipi pi niksisaekin mi Adi Komii siir yayim yim siir kwoin hir wara nwokai rani.

⁵ Mi tiriiginim yipiki inokinok Adi Komii siir yai aairam naingwowiyim yim sima ina ninokninkinim siyūin siiram naingwokwonanaeyin siyūmwokisiyūmwoin. Mi ta hiriinan saeya krīma sibgu dinokninkin nim krīma Adi Komii saika bidi yamasuim.

⁶ Mi yipiki ha boini yo siya Adi Komii saika bidi yamasuwin mi siya wi dimin taeminim biya Krai siya tirim wi simiir hiriinanar timi tir. Iriig.

Mi yipiki siir nomiyauwam naingwokwonanaeyin yo Adi Komii siir yai imiir wakaeyokna apikin

⁷ Mi ti kariir nomiyauim kara naingwokwonanaeyim, ti yayim kara winkiyim kīmiiram hinin kīma wi panin panina nwowi yim yai win tani. Kīma simiir bidiyar iki wakaeyim

iya kima biigibi Adi Komii krımıir Wanın siiram naingwo tıbmii kına.

⁸ Mi ti yayım ti kara wınkıyım kımıiram yım yai wınkım. Mi iikamım yıpiki ti mıiyım Jısis Kraıs siya mıriiyım simiir kigım mi ti kima mırii ikım mi sima wı haini nınoknınkini taka yayıya ya yai kaimwowaırga. Mi yım ti yayım yım hınına boınkım, krıma krımıir nomıiyauım simiiram naingwokwonanae. Dimusi rani, krıma ini ti yai imiir wakaeyokna apım mi ti dimın biyeyım ti iikami kwoınau nwokaiyım nıbwomambunan yım wı simbi kinımınısainami mi simiir maeyauwa wı ti dimın kibiyım paenan niuyaeiyım wı sima kisına okainaowidi. Jısis Kraıs siyaırgın bwamkıbwamın paenan krımıir niuya haigınıuwiyin.

⁹ Mi yıpiki ha boini, yio siya Adi Komii siir yai imiirar wakaeyokna apikın mi siya io pi siir nomiıyau inaka swoki owi mi yio hiriinan inkamın yio Adi Komii siir yai imiir bi wakaeyokna apikın. Yio ini inkamın niyaka napamwııiyın siyü si sikwo pae mın nıriıya apnam karamae nwowiyın ini siir hiriinan ywowın.

¹⁰ Mi yıpiki siir nomıiyau iıiram naingwokwonanaei mi Adi Komii siir yai imiir wakaeyokna api, yio ini inkamın siyü nabıe kigımok apiyın ini siir hiriinan ywowın mi yio siya siyü iıırın ina sibgu kigomok apın mi siya wı niigikiyamyao akai rani.

¹¹ Mi yıpiki siir nomıiyau inaka nwowi io mi yio tari Adi Komii siir dimın taemın bi nınoknınkın. Yio dimın biyie biyeyım simiir wakaeyokna apikın inkamın yıpiki siyü si

napamwiiyɪn nɪiyaka si hɪnɪn. Mɪ siir nhwo iirɪn nɪ aeya nɪmɪui mɪ ta hiriinan saiirsika siya paniisi kigomok api siyɪu iirɪn.

¹² Tɪ kariir nomiiyauɪm kara naingwokwonanaeyɪm, ta yokwo kara wɪnkiya kara dimusi bɪ wɪnkikɪn warɪ dimɪn biyɛ biyɛyɪm kɪma tirɪm sɪmiirsi wɪnkika sɪmiirɪn Adi Komii siya bɪdi haiyoprɪmɪdiyɪumiigiyɪm. Sɪmiirɪn siya bɪdi haiyoprɪmɪdiyɪumiigiyɪm. Dimusi rani, dimɪn kɪbi kɪbiyɪm biya Kraisi siya tirɪm sɪmiirsika.

¹³ Kɪma tɪ adɪm, kara ta yokwowa kɪmiiram wɪnkika. Dimusi rani, wɪm kɪma siirɪn ɪna nɪnoknɪnkɪnɪn yɪpɪki biya omwaiyar niki waiyayokiyokɪyɪn mɪ tariinanar nadɪgniyɪn siiramɪn. Kara yokwowa yainan whrwani nonkwona karamae nwowɪm kɪmiiram wɪnkika. Dimusi rani, Adi Komii siir yayi wɪ kɪmiir kwoɪn waraurar niki okaiyokiyokɪyɪm mɪ kɪma wɪ Setan siir nwoki ikwowaisiɪyɪm.

¹⁴ Kara yokwowa yainan whwran kɪmiiram wɪnkika. Dimusi rani, wɪm kɪma ɪni kɪrɛ hiriyar nwokrɪpkaiyɪm mɪ Adi Komii siir yayi ɪni ɪni hanɪn kɪmiir kwoɪnan kwirɪi idwokaiya mɪ kɪma Setan siir bɪdi ikwowaisiigɪm. Kara yokwowa ad ɪmiiram wɪnkika. Dimusi rani, wɪm kɪma ɪna nɪnoknɪnkɪnɪm yɪpɪkɪm omwai hiriyar waiyayokiyokɪyɪn mɪ ɪni tariinanar yadɪgniyɪn.

¹⁵ Mɪ kɪma dimɪn biyɛ biyɛyɪm iikamɪm sima tiriyɪm tɪ nu iiranɪm sɪmiiram kɪpi naingwo sɪmiir wakaeyokna apam. Mɪ yɪpɪki tɪ nuan dimɪn taemɪnɪm sɪmiiram naingwowi mɪ yɪo tari Adi Komii siiram naingwokwo rani.

¹⁶ Mɪ dimɪn taemɪnɪm nuanɪm yɪm hɪnɪngɪm, mɪ

ti dimin taeminim ti sima kigim sima inokininokin simiir haiyamar mini mi dimin biyeyim simiiramar mi kigmairi mi siya iki siir inig iirar hainanaeyim mipi ha boini, kara digworaekwoki naokingugunankaigin ini iki iikam nhirim simiir haiburin. Mi yim digworaekwowim yim Adi Komii siir tani. Nningaka.

¹⁷ Mi dimin taeminim ti nuin siirim mi dimin taeminim kigmairi ikim yim wi simbi digii mi yipiki dimin taeminim Adi Komii siya naingwowim simiir wakaeyokna api yim wi hiriyyar nokwoyokiyokigiyami. Iriig.

Krais siir sau omomim yim wi sima simar nnsiimauunaei

¹⁸ Ti kariir nomiiyauim, iya ti nu ieya digiyana ya kingiin bidi yitkiya. Mi wim kima ta yai aiirin bidiyar yinokninkinim hinin Jisis Krais siir sau omomim wi panin panina nimbiam. Mi Jisis Krais siir sau omom whiekakim yim bidi yitim mi yim sima simar bidi yanaakninkinam mi nim krima ta ii aiirin ina ninokninkinim ya ini kingiin nwowa.

¹⁹ Dimusi rani, ti kamim yipiki Jisis Krais siir sauan omom win nwowim yim sima iripa kwoin krimaka nwo rani, yipiki Jisis Krais siiram naingwo tibmii kaniyam, yim sima krimiir bidi haiburgigim. Mi sima iripa kwoin krimaka nwokiswo mi sima pi iripa krimakar pi ywowin. Mi sima krimiir bidi haiburgigim mi ta hiriinan saiirsika nim krima ta saiirin bidiyar yinokninkin kinim, simiir nwrki iripa kwoin krimaka bi swoki okim. Nningaka.

²⁰ Adi Komii siir naeyiun ha nitn ini hanin kimiir kwoin imiir ini kwirii idwokaini mi ta hiriinan saiirsika, kima ti dimin taeminim simiir dimin mwokimwoim simiir asi singu ninomokninkini.

²¹ Kara ta yokwowa kimiiramin ha bi win boinkikin, wim kima Adi Komii siir dimin taemin mwokimwoim simiir bi ninokninkinkin. Ningaka. Wim kima simiirin bidiyar yinokninkinim. Mi ti digworaekwowim yipiki kaimwo nwowim mi ti digworaekwowim yipiki kaimwo nwo karam nwo ikim wim kima simiirin bidiyar yinokninkin digim. Mi kima ti niksisae yaiyim yipiki yaimwokiyaimwoim simiir ninikikrimkripiyim simiirin ina mi inokninkinim.

²² Mi yipiki niksisaeyin? Mi ti inkamin yipiki ha boiniyin Jisisin yio Kras rani mi ti hiriinan inkamin Adi Komii siya nimbingi mi siya siirin wa nikropkii. Mi yio ti inkamin yio Jisis siir sau omomkin. Mi Adi Komii siya mi siir yinisim ieya sowiirniyin digiumi bi haimriiyiugigo.

²³ Mi ti iikam hiriinanim yipiki Jisis Kras siir miisisaeyim mi yim sima iriipi hiriinan Adi Komii siir warar mi miisisaei simiir Adin. Mi ti iikamim yipiki Jisis Kras siir haiyim mi yim sima iriipi hiriinan Adi Komii siir warar mi inkin haigim simiir Adin. Iriig.

Adi Komii siir naeyiun krimiirin siya nisiimauugin yai miyik

²⁴ Mi ta hiriinan saiirsika kima wi kimasiyar mintiraona. Mi yai kibiya yipiki biigibii kimar wakaeya, ya kimiir kwoinaw waraurar haig-nonkworinukripkai. Mi kima ti hiriinan tri mi

kima wɪ kwoɪn whɪruwa Adi Komii siya mɪ siir yɪnisim ɪeya wɪ sowakaniiyar nwowi.

²⁵ Mɪ yim tiriiginim yim sɪma Jisis Krais siya nɪmbingiyim krɪmiiram krɪma haiyim. Siya krɪmiir whɪnkɪnsiis haiginɪuwam nɪmbingikɪn mɪ krɪma wɪ Adi Komii saɪka nwokɪ sɪbgu oyokiyokɪkaeyamɪn.

²⁶ Kara ta yokwowa kɪmiiram wɪnkɪka kɪmiir boɪnworwokaigiyim tɪ dimɪn taeminim yɪpɪkɪ tɪ iikam ɪma naɪngwowyim kɪmiir nɪksɪsaeyam.

²⁷ Mɪ Jisis Krais siya siir naeyɪuɪn kɪmiir bɪdi hauugiyɪn mɪ ta hɪriinan saɪrsɪka siya kɪmiir asi whɪnkɪnsiis haiginɪuwi. Mɪ tɪ naeyɪuɪn kɪmiir kwoɪnau waraurar nwokaikrɪpkaii mɪ kɪma wɪ inkam nwɪram noksɪr tani kɪmiir nowomwarkaiyɪuwamɪn. Mɪ tɪ naeyɪuɪn kɪmiirɪn wɪ siyar nowomwarkaiyɪuwi dimɪn taemin whiekakɪm. Mɪ tɪ dimɪn taeminim wɪ siya nowomwarkaiyɪuwi, yim nɪksɪsae dimɪn tani yim kaimwowaɪrgim. Mɪ yim wɪ tɪ hɪnɪna nwowi, kɪma ta Adi Komii siir naeyɪuɪn siir yai aiir wakaeyoknaei, wim wɪ Jisis Krais saɪka namasukikɪni.

²⁸ Iɪi, tɪ kariir nomiiyauim, kɪma Jisis Krais saɪka damasukikɪn. Mɪ kɪma tɪ hɪriinan tiri mɪ ɪiya siya swokɪ ɪti nua tiriir mɪ nim krɪma wɪ maɪrgɪmaɪrga nwowɪni siir kɪgamɪn, krɪma wɪ nɪdidwɪn tani mɪ wɪ mɪ agwoprakai rani.

²⁹ Wim kɪma bɪdiyar yɪnoknɪnkɪnim Adi Komii siya bɪmbɪuwi rani mɪ yɪpɪkɪ dimɪn mɪiyɪk tiri mɪ kɪma wa nɪnoknɪnkɪni siya siir yɪnisimkɪn. Iriig.

*Tariinanin krɪma ɪni Adi Komii siir yɪnisɪsɪm
nwowɪm*

¹ Kɪma whɛkakarɪn ta saiir wakaeki, Adi Komii krɪmiir Wanɪn siya krɪmiiramɪn nhami nhami naɪngwokwo rani mi ta hɪriinan saiirsika siya krɪmiirin siir yɪnisɪm asi nikiugɪm. Yɪm ti yayɪm yɪm kaimwowaɪrgɪm. Nim krɪma siir yɪnisɪsimkim. Mi iikamɪm yɪpiki ti nuan siyɪu imiir wakaeyokna apnɪnkɪniubumbunaniyɪm mi ti tariinanar nadigniyɪm yɪm Adi Komii siir bi nɪnoknɪnkɪnkɪm. Mi ta hɪriinan aeya sɪma ti dimɪn taeminɪm krɪma wakaeyokna apiyɪm sɪmiir paniisi yɪnoknɪnkɪnsi.

² Ti kariir nomiiyauɪm kara naɪngwokwonanaeyɪm, nim krɪma Adi Komii siir yɪnisɪsimkim. Mi krɪma sɪbgu nɪnoknɪnkɪn tani mhoiɪya krɪma wi panɪn panɪna namisi owi. Mi Adi Komii siya ti dimɪn hɪriinanin krɪmiir bi niki iisiimauugin. Mi ti dimɪnin sasaɪgɪn krɪma sɪbgu inoknɪnkɪnin Jisis Krai siir, yɪo hinɪngɪn siya wi sipi swoki iunaiini mi krɪma wi siirar kɪgwɪni mi iɪya krɪma siir kɪgwɪni mi nim wa nɪnkpɪt iuguskii mi wi siir hɪriinanar namwowɪuwi.

³ Mi yɪpiki ti dimɪn taeminɪm nɪmbiyamanɪm sɪmiiram nwokwokɪni mi yɪm sɪma wi hɪriihɪriiyar boɪninaei dimɪn biyɛ karamaeka mi sɪma wi dimɪn whɪrki kimbu karamaeyar nwowi Krai siya nwowa dimɪn whɪrki kimbu karamae siir hɪriinan.

⁴ Dimɪn biyɛeya saiir bwamkɪbwamɪn Adi Komii siir siyɪu komii siir yayiɪa siyar kwɪinakibɪri. Mi ta hɪriinan saiirsika ti iikamɪm dimɪn biyɛeki naokɪngugunankaiyɪm sɪma Adi siir siyɪu komii

siir yaiyım sımıir asi nınakrımkrıpi.

⁵ Mi kima ına nınoknınkınkım ta Jısis Kraıs siya nuunaiiniya nua tiriir iikam sımıir dimın biye biyeyım sımıir haiyoprımdiyıumiigiyam siya dimın biye whırın whırın bi swoki tirmıntırmınkın mi siya ti hırıinan tıramar mi aıngwokin.

⁶ Mi ta hırıinan saırsıka, tiki iikam whiekakım yıpiki Jısis Kraıs saıka nımasukikınım yım sima ınokıınokın dimın biye bi tırkım. Mi ti iikamım yıpiki ınokıınokın dimın biye biyeya tırnanaeyım mi sımıir kwoınım Kraıs sııram naıngwo karamae nwowiyım yım sıırım bi wakaeyokna apikım.

⁷ Ti kariir nomııyauım, kima iikamım sımııram kipi kiwaki kımıir nıksısaeyım. Mi yıpiki sıııu mııyıkımııyıkni nwowi mi yıo sıkısıya inkamın. Dimusi rani, Adi Komıi siya krıııırın ha kigi nım krıma dimın whırki bi kımbugım Jısis Kraıs sıır hırıinan dimın whırki kımbu karamae siya nwowa saıır hırıinan.

⁸ Mi yıpiki dimın biyeyım sımıırsımııra tırnanaei mi yıo tari Setanıkın. Bııya mi tariinanın ırııpi hırıinan Setan siya ını dimın biyeyar tırkrıpkayıın. Mi tırııgınım yıpiki dimın biyeyım sımıir sımııra tırnanaeyım yım sıır iikamkım. Mi Adi Komıi sıır yınısımın siya nıtın ti nu ııir siya dimusi bi nıtın siya Setan sıır mııyım sımıir dıgıguskııyam nıtın.

⁹ Mi yıpiki Adi Komıi sıır yınısım nwowi mi yıo tari sıır naeyıu ııir bıdı haiyın. Mi ta hırıinan saırsıka, siya dimın biye panıısi tıryokııyokııyamsı. Nıngaka.

10 Mi ti hiriinan siyiuin, nim krīma ina ninokninkinim yipiki Adi Komii siir yinisimin mi yipiki Setani yinisimin. Mi yipiki dimin biyeyim simiir simiira tirnanaei mi yio tari Adi Komii siir yinisim tani. Mi yipiki siir nomiiyau iiram naingwokwonanaei karamae nwowiyin mi yio Adi Komii siir yinisim tani. Iriig.

Kīma kīmiir nomiiyauim simiiram daingwokwonanaei

11 Mi ti yayim yipiki biigi bi kīmar wakaeyim, kīma siir yai aiirin hinina wakaekim krīma irni nwirniyam daingwonanaei,

12 mi krīma io whwonkam kipi nanao ti inkamin Ken nikuwiyin siir hiriinan yio siya Setan siirgin mi yio siya siir nomousim iir asi nisomaokin. Mi siya siir dimusi nisomaokin? Siya siirin minsi nisomaokikin, dimin taeminim siya tirim yim miyik rani mi dimin taeminim siir nomousim ieya tirim yim wadiekim. Mi siya siirin io ha nwowin mi siya siirin ina yisomaokiyin.

13 Kīma mouni hanin kipi siinkaoki. Dimusi rani, iikamin yipiki Adi Komii siir wakaeyokna ap karamae nwowiyim yim sima kimaka whwokwoka nwo rani.

14 Mi krīma kīmiir nomiiyau imiiram naingwokwonanaei mi krīma wi haini ninokninkini krīma dimin biyeyim simiir wakaeyokna ap rani mi hiriinankinūwi, kīmiir kwoinim yim wi paekini rani. Mi kīmiir kwoinin yio wi pi ninkpitkii mi wi omwaiyar swoki waiyaei mi siya wi Adi Komii saika nwoyokiyokikaeyami Mi yipiki siir nomiiyau iiram naingwokwo

karam nwowi mi yio tari dimin biyeyim simiir wakaeyokna apikin mi siir kwoinin yio bidi yaowigusamin siya Adi Komii siir dimin taeminim simiir naingwoyiskai rani.

15 Mi yipiki io whwonkam siir nomiiyau iir nanaowi mi yio ini inkamin iikam nisomsomaokaowiyin ini siir hiriinan ywowin. Kima ina ninokninkinim ti inkam hiriinanin yio siir kwoinin bidi yaowin mi yio siya Adi Komii siir dimin taemin sim whir wara swoki aingwoyiskai rani. Mi siya wi saika nwoyokiyokikaeyam tani.

16 Biya Jisis siya krimiirsi naokin mi ti hiriinan siyuin siya krimiir min nusiimauugin iikam nhirmiyam siya naingwokwonanaeia sair bwamkibwam iir. Krima ti dimin taeminim Jisis siya tirim simiirarar tir. Krima krimiir nomiiyauim simiiram daingwokwonanaei mi krima naosi kipi nidid simiir whinkinsiis haiginusiyin.

17 Mi yipiki siir nu iirar nwowi mi siya digworaekwoki naokingugunankaii mi ha ninokninkini siir nomiiyauin yio dimin karamaeka mi siir mwoin nikrimkrae karamae nwowi mi siya ha boini siya siirin wi dimin sim whir swoki hauu rani mi Adi Komii siir naingwokwonanaeya wi panina haigiprakai siir kwoinauin? Sima wi dig nwo rani!

18 Ti kariir nomiiyauim kara naingwokwonanaeyim, krima yayim naekak nwo karam nwowiyim simiirin hinda kipi priboin priboin mi hinina kipi mi boin, nim krima iikam imiiramar naingwokwonanaeikim. Krima simiir whinkinsiis haiginu mi simiir

d̄isiimauu h̄in̄in, kr̄ima s̄imiiram̄in nhaminhami naingwokwonanae rani. Iriig.

Iikam̄im yip̄iki Adi Komii siir yai āir wakaeyokna ap̄iyim yim s̄ima siir whwonkam idan w̄i n̄ididgak nwo rani

¹⁹ M̄i t̄i h̄iriinan siȳiun, n̄im kr̄ima wa nwoki inokn̄ink̄inim h̄in̄in n̄im kr̄ima Adi Komii siirḡim yip̄iki dim̄in mwokimwoim s̄imiir bwamk̄ibwamin. M̄i t̄i h̄iriinan siȳiun, kr̄imiir kwoin̄im w̄i n̄idid rani, kr̄ima Adi Komii siir whwonkam ida nokwowi.

²⁰ M̄i kr̄imiir kwoin̄im s̄ima kr̄imiirin h̄in̄ina bōni, n̄im kr̄ima dim̄in biȳie b̄idi t̄ir̄im. Dimusi rani, Adi Komii siya dim̄in taemin imiirin ina ninomokn̄ink̄in diḡin m̄i kr̄imiir dim̄in biȳie biȳeyim yim w̄i siya haiyoprimdiȳiumiiḡii m̄i kr̄ima w̄i s̄imiirsi n̄idid rani m̄i siya t̄i dim̄in taemin imiirin wh̄irm̄inwh̄irm̄in bi nokpaok̄iiḡin, siya s̄imiirin ina ninomokn̄ink̄in diḡin. M̄i t̄i dim̄in taeminim kr̄ima ninokn̄ink̄in karamae nwoka, w̄indi ȳio siya ina ninokn̄ink̄in.

²¹ T̄i kariir nom̄iyauim kara naingwokwonanaeyim m̄i kr̄imiir kwoin̄im s̄ima kr̄imiirin h̄in̄ina bōnmauu karamae nwowi, kr̄ima m̄iȳik rani m̄i iya kr̄ima Adi Komii siir whwonkam ida nokwowi m̄i kr̄imiir kwoin̄im w̄i k̄ir̄ie h̄iriyar nwokripkaii.

²² M̄i kr̄ima Adi Komii siiram̄in dim̄inam sr̄ii m̄i siya kr̄imiirin wa hauuwi. Dimusi rani, n̄im kr̄ima yai imiir wakaeyokna apk̄im m̄i kr̄ima dim̄in m̄iȳik m̄iȳikim siya naingwowim kr̄ima t̄iram kr̄ima s̄imiir t̄irk̄im.

²³ B̄iyya Adi Komii siya t̄i yayim kr̄imiir b̄idiyar iki bōnmauim. Kr̄ima siir ȳinisim̄in J̄is̄is Krāis

siir wakaeyokna ap mi irni nwarinyam dinan aingwokwo.

²⁴ Mi yipiki Adi Komii krimiir Wanin siir yai imiirarar wakaeyokna api, siya mi Adi Komii siya sowa wi kwoin whiruwa nwowi mi siir naeyiun yio Adi Komii siya hauugiyin krimiir, ti Adi Komiiyin siya ini krimiir kwoin tiri kwirii idwokaiyin mi ta hiriinan sairsika nim krima ina mi inokninkinim nim krima ini kwoin whiruwa saika nwowim. friig.

4

Adi Komii siir naeyi ieya mi yiu biyeyin niksisei ikin

¹ Ti kariir nomiiyauim, iikam whiekakim yipiki yai bibiyeyim niksiseiyim sim nanaaknkii haiginuwiyim hinda tinda bidi yinoopkiyim. Mi iikamim kimiiram niti mi sima ha nini boini, yim sima Adi Komii siirgin mi kima wi kipi niki anka aingwo tibmii kin simiir yai aiiram. Biyyin kima simiir tiki kinanku mi sibgu sibgu tiki kigimoki ti simiir hir nwokaiyin yio Adi Komii krimiir Wanin siir naeyi ieya piyamsi owin, iyie uridyiu biyieki piyami owin.

² Mi kima wa kigninokninkinkii, Adi Komii siir naeyiun siya ini hanin simiir kwoin imiir kwirii idwokaii. Mi yipiki ha boini, Jisisin yio Adi Komii siir kwoinkar naingwo imbingikin, tiriir nitamin mi siya ini inkam kungikinar yauni oniyin mi kima wi haningi ninokninkinkii, Adi Komii siir naeyiun ini ti inkam iir nwokaiyin.

³ Mi yipiki Jisis Krais siirin hinina boin karamae nwowi mi ti kwoinin siir kwirii idwokaiyin yio Adi

Komii siir tani. Nɛngaka. Tiki kwoɛnin yio Krais siir sau omomkin. Kima bɛdiyar iki inoknɛnkɛnim hɛnin siya wi sɛpi niti. Mi tariinanin siya ti nu iir bɛdi yauni oniyin.

⁴ Ti kariir nomiiyauim kara naingwokwonanaeyim, wim kima Adi Komii krɛmiir Wanin siirgim mi wim kima ti iikam biyie biyieyim simiir bɛdi ikwowaisiigim. Dimusi rani, yipiki wari kɛmiir kwoɛnau kwirii idwokaiyin siyairgin yipiki ti iikamim nuanim simiir kwoɛnau kwirii idwokaiyin yipiki niksisaeyin siir nikwowaisiyyin bi.

⁵ Mi ti iikamim yipiki niksisaeyim yim nu tiran ima yim sima Adi Komii siir tani. Mi ti dimin taeminim sima boɛniyim yim nu tirankim mi ta hɛriinan sairsika tiki iikamim nuanim simiir asi wakaɛi mi simiir asi wakaeyokna api.

⁶ Mi nim krɛma Adi Komii siirgim. Mi ti iikam yipiki Adi Komii siirim sima inokɛinokɛn krɛmiir yayim simiir simiira wakaenanaeikim. Mi ti iikamim yipiki Adi Komii siir kamaeyim yim sima krɛmiir yai imiir bi swoki wakaekim. Nɛngaka. Mi ti hɛriinan siyiuin nim krɛma ina ninoknɛnkɛnim ti iikamim yipiki Adi Komii siirgisiir naeyugakim mi ti iikamim yipiki Setani niksisaɛ naeyiuin si nwokaiyim simiirin ina mi inoknɛnkɛnim. Iriig.

Adi Komii sasairgin naingwokwonanaeyin

⁷ Ti kariir nomiiyauim kara naingwokwonanaeyim, kima irni nwirniyam daingwokwonanae. Mi ti siyiu hɛriinanin irni nwirniyam krɛma naingwokwonanaeyin yio Adi

Komii siirgisiirgin. Mi yipiki siir nomiiyau iiram naingwokwonanaei yio Adi Komii siir yinisimkin mi yio siya siirin ina sibgu inokninkin.

⁸ Adi Komii siyairgin naingwokwonanaei saiir bwamkibwamin. Mi ta hiriinan saiirsika, yipiki siir nomiiyau iiram naingwokwonanae karamae nwowi mi yio tari Adi Komii siir bi ninokninkin.

⁹ Adi Komii siya krimiir bidi yisiimauuin hinin, siya krimiiram naingwokwonanaeikin. Mi siya siir yinisim nwirkinwiruwan asi nikropkikin mi siya krimiir whinkinsiis haiginuwam nitkin mi ta hiriinan saiirsika krima wi wadie saika asi nwoyokiyokikaeyami.

¹⁰ Mi naeyuin naingwokwonanaeyin siir bwamkibwamin yio si. Ta krima naingwokwonanaeya Adi Komii siiram saeya rani. Mi krimiiram bi siyar naingwokwonanaekin mi siya siir yinisim iirin ina yikropkiyin mi ta hiriinan saekisaeyairga Adi Komii siya krimiir dimin biye imiirin siirsiyar haiyoprindiyumiigikin.

¹¹ Ti kariir nomiiyauim kara naingwokwonanaeyim, ti dimin taemin hininim yim krimiir nisiimauugim hinin Adi Komii siya krimiiramar naingwokwonanaeikin mi nim krima wi irni nwirniyam mi aingwokwonanaeyim.

¹² Adi Komii siirin inkamki bi swoki kigmiminkin. Mi krima irni nwirniyam naingwokwonanaei mi ti Adi Komiiyin ti krimiir kwoinau kwirii idwokaiyin mi krima wi siiram naingwokwonanaei mi krima wa ninokninkini

siya ini krımıramar naingwokwonanaei iskiyin.

¹³ Krıma ina ninokninkinim krıma mi Adi Komii siya krıma ini kwoin whıruwar nwowıskiyim. Dimusi rani, biya siya siir naeyauin krımıir niki haugikin mi siya ini krımıir tir nwokaiyin.

¹⁴ Nim krıma Jısis siir bıdi kigim mi krıma ta yai aiir asi boinımauwı. Adi Komiiyin siir Adın siir yınisim iirin siya nikropkikin iikam krımıir nanmaiwarkainam mi ta hiriinan saiirsika siya iikam whıekakim nu tiranim simiir asi whınkınsiis haiginıugin dimın biyeyim ti nuın siirim simiir kirie aiir kintıokkiyam.

¹⁵ Mi yipiki ha boini Jısis siya Adi Komii siir yınisimkin mi ti inkamin siya mi Adi Komii siya sowa wi kwoin whıruwar nwowı.

¹⁶ Adi Komii siya siyairgin naingwokwonanae saiir bwamkıbwamin mi nim krıma ina ninokninkinim siya krımıiramin ina naingwokwonanaeyin. Mi ti iikamim yipiki iikam nhırmıyam naingwokwonanaeyim, yim sima wi Adi Komii saıka kwoin whıruwar nwoyokiyokıkaeyami.

¹⁷ Adi Komii siya hınına naingwowi, nim krıma iikam imiiramin nhami nhami naingwokwonanaei rani. Mi krıma hiriinan tiri mi ti dimın taeminim ti tariinan krıma tirim yim ini ti dimın taeminim biya Krais siya tirim ini simiir hiriinan ywowim. Mi krımıirin wi Adi Komii siya whınkınsiis haiginıuwi hindara naingwokwonanae iskiyim. Mi mhııya iya Adi Komii siya hıdi iikam imiir mi nim krıma wi nıdid rani.

¹⁸ Mi yipiki hınına ninokninkini Adi Komii siya siiram naingwokwonanaei mi siya wi

nɔdid rani. Mi yɔpɔki Adi Komii siirgɔsiiram naingwokwonanaei mi siya wi dimɔn taemɔnsi nɔdid rani. Inkamɔn dimusi nɔdidi? Siya dimusi nɔdid rani, siirɔn wi Adi Komii siya nonkwobumbuninkini ti dimɔn biyɛ biyɛyɔm yɔpɔki biya siya tirɔm. Mi yɔpɔki Adi Komii siirsi nɔdidi mi yɔo tari Adi Komii siya mi iikam ima simiiramɔn sibgu naingwokwonanaei rani.

19 Nɔm krɔma Adi Komii siya mi iikam ima simiiram naingwokwonanaei. Dimusi rani, siya biigibiyyɔn krɔmiiram naingwokwonanaekɔn.

20 Mi inkam nwirki hinɔna boini siya Adi Komii siiram naingwokwonanaekɔn mi siya siir nomiiyau inika pi io nwowi mi yɔo ti inkamɔn pi niksisaekɔn. Iikam krɔma Adi Komii siir bi swoki kigmɔminkim. Mi yɔpɔki siir nomiiyau siir kigi mi siiram naingwokwonanae karamae nwowi mi siya Adi Komii siiramɔn wi panɔna naingwokwonanaei yɔpɔki siya kig karamae nwowɔn, ha? Mi inkamɔn siir nomiiyauɔn saika nomboboɔn ae karamae nwowi mi yɔo wi Adi Komii siiram naingwokwonanaei rani. Nɔngaka.

21 Jisɔs Kraɔs siir yaiya ya krɔmiir bidi hauwa, krɔma saiir wakaeyoknam. Mi yɔpɔki Adi Komii siiram naingwokwonanaei mi siya iriipi hɔriinan siir nomiiyauɔn siiram warar timi aingwokwonanae. Iriig.

5

Iikamɔm yɔpɔki Adi Komii siir yai air wakaeyokna apiyɔm dimɔn biyɛ biyɛ imiirɔn wi sima nikwowaisii

¹ Mi yipiki hinina naingwo tibmii kani Jisis siya Kraiskin, yipikin Adi Komii siya nikropkiyin mi yio ti inkamin Adi Komii krimiir Wanin siir yinisimkin. Mi yipiki Ad iiram naingwokwonanaei mi siya siir yinisim iiramnin wara timi aingwokwonanae.

² Mi krīma Adi Komii siiram naingwokwonanaei mi siir yai aiir wakaeyokna api mi krīma wī hainii ninokninkini nim krīma siir yinisim iiramar naingwokwonanaeikim.

³ Mi Adi Komii siya naingwokwonanaeiya saiir bwamkibwamin ya hininga krīma ti dimin taemin whiekakim siya hauuwim krīma tiram simiirar wakaeyokna iski. Mi ti diminim siya boinanim krīma tiram, yim wī hikak krimiir nwowaiginu rani. Niingaka.

⁴ Mi siyiun ti iikamim yipiki Adi Komii siir ninokninkin karamae nwowim sima nwowiyin yio wī dig nwo rani, Adi Komii siir yinisim imiir nikwowaisiim, simiir krieya ini ti simiir siyiu bibiyeyim simiir kou ywowa. Dimusi rani, nim krīma Adi Komii siiram naingwo tibmii kīnikim mi krīma wī digar nwowi ti siyiun ti iikamim yipiki Adi Komii siir ninokninkin karamae nwowim sima nwowiyin siir nikwowaisii iuguskiyim.

⁵ Mi wī dig nhinga nwowi ti siyiu hiriinanin ti iikamim yipiki Adi Komii siir ninokninkin karamae nwowim sima nwowiyin? Mi tiriiginim yipiki hinina naingwo tibmii kīniyim Jisis Krai siya Adi siir yinisimkin, yim wī digar nwowi. Iriig.

Adi Komii siya bidi sibgu anaakninkii haiginugiyim Krai siir dimin taeminim

⁶ Yio Jisis Kraiis sasa'irgin ti inkam nwiruwan ti nu iir nuunaiiniyin. Mi siya op ha baptaisn mi mhoiya siya ina yaonamin paeyin hiiniya nironinkin siir, siir nhie aeya naokiinaiiniyam. Mi iya siya ti nu iir nuunaiiniyin, siya minam nuunaiinikin siir nhie aeya mi siir op aeya sowar naokiinainiswowim. Adi Komii siir naeyiun siyairgin dimin taeminim simiir bwamkibwamin mi krimiirin siyar nusiimauugin hinin Jisis siya Adi Komii siirgisiiir yinisimkin.

⁷ Dimin whoimuwam sima simairgin krimiir nusiimauuyokiyokiyamiyim hinin.

⁸ Adi Komii siir naeyiu ieya mi op, ta opa Jonki si baptais haiginuwa Jisisni mi nhie aeya mi ta iya biya Jisis siya naonama mi siir nhieya ha naokiinaiiniya sair ti swoki aingwowoknaki. Mi ti dimin whoimim yim dimin whiruwan siirarar nusiimauugin Jisis siya Adi Komii siir yinisimkin.

⁹ Nim krīma yayim inkamki boinim krimiir simiir wakaeyim mi krīma ini simiirar wakaeyokna apim mi krīma ti yayim Adi Komii siya boinimauuim siir yinisim iir simiir wakae. Dimusi rani, siir yayia ini iki inkami yayim simiir haibura.

¹⁰ Mi yipiki Adi Komii siir yai imiir wakaeyokna api mi siir kwoinin pa ninokninkinkii ta Adi Komii siir yayia ya kaimwowa'irga, ya saeya hinina boinka, Jisis siya kariir yinisimkin. Mi yipiki ti Adi Komii siir yai imiiram naingwo tibmii kin karamae nwowi mi ti yayim yipiki biya Adi Komii siya boinim siir yinisim iir simiir wakae karamae nwowi mi yio ti hiriinan inkamin ti hiriinan boiniyin yio Adi Komii siir niksisaai.

¹¹ Tí yayíim yím Adi Komii siya boinkikim krímiir. Siya krímiirin bídiyar whínkínsiis haiginíuwín mí kríma wí inígak saíkar nwoyokiyokíikaeyami. Siya krímiirin ta híriinan saírsi whínkínsiis haiginíugin ta siir yínisím íír siya níropkiya saírsi.

¹² Mí yípíkí kwoín whíruwa Kraís siiram nwowí, yío wí híriiyar nokwoyokiyokíikaeyami. Mí yípíkí híriinan tír karamae nwowí, yío wí nínga nwowí. Íriig.

Kríma hínná nínoknínkíní krímiir inígin wí omwaiyar híriiyar nwokí waiyayokiyokíikaeyamím

¹³ Ta yokwowa kara wínkíka dímusi rani, wím kíma íkamím yípíkí Adi Komii siir yínisím íír wakaeyokna apiyím kíma dínoknínkín hínnín, wím kíma wí inígak híriiyar nwoyokiyokíikaeyami.

¹⁴ Ya dímusi rani, tí híriinan síyíuín kríma wí díminam Adi Komii siir sríisi nídid rani. Ním kríma ína nínoknínkíním íya kríma Adi Komii siiram sríí díminam yípíkí siir kwoín íír wakaeyokna apiyím siya krímiir yayí ímiirin wa wakaéi.

¹⁵ Ním kríma ína nínoknínkíním íya siya tí dímin taemíním kríma sríigiyím siiram símiir wakaewíníyín mí kríma pa nínoknínkínkíi kríma símiirin wa háíi.

¹⁶ Mí yípíkí siir nomíiyau íír kígi siya dímin bíyíeyín yípíkí paeya nami omín siir nam karamae nwowíyín siir tírí mí siya Adi Komii siiram srííi mí síirin wí siya whínkínsiis haiginíuwí mí ta híriinan saírsíka siya wí inígak híriiyar nwokí síbgu oyokiyokíikaeyamím. Mí tí ínkamín siya

dimin whir tiri mi siya wi paeni omin siir nami. Mi yipiki ti hiriinan tiri, yio wi paeya nami omin siir nami. Adi Komii siiramın ti hiniın inkamın dimin biyieki naokingugunankaiyin siiram kipi srii.

17 Dimin taemin kasa rani, yipiki iikam ima tirim Adi Komii siir yai imiir kikinwaimwaisiyyim mi dimin taemin biyie biyieyyim sima tiriyim yim wi Adi Komii siir tir tani io siya nwowam mi sima wi ta hiriinan saiirsi nam tani paeni omin siirin.

18 Nim krıma ta saiirin ina ninokninkinim yipiki Adi Komii siir yinisim nwowi siya wi dimin biyie hiriyyar tiriyokiyokiyam tani. Mi ti hiriinan inkamın siirin Adi Komii siir yinisim ieya kigrıraowi mi ta hiriinan saiirsika Setan siya wi siir tirbu rani.

19 Nim krıma ina ninokninkinim nim krıma Adi Komii siirgin mi ti iikam whiekakim ti nu iir nwowim, Setanın yio ini simiir kigrıraowan inkam ywowin mi yim sima wi siir wakaeyokna api.

20 Krıma ina ninokninkinin Adi Komii siir yinisimin yio bidiyar yitin krımiir whinkinsiis haiginuwam mi ta hiriinan saiirsika krıma Adi Komii krımiir Wanin kungikinın siir asi ninokninkini yaeya Adi Komii nwır karamaeka. Krıma ini Adi Komii siir yinisimin Jisis Kraıs ini saika yamasuswin Adi Komii nwırkinwıruwan sasairgin mi siya ina nwowin mi krımiirin siyar whinkinsiis haiginuwi mi ta hiriinan saiirsika krıma wi asi nwoyokiyokikaeyami inokinokin.

21 Ti kariir nomiiyauim kara naingwokwonanaeyim, kima ti tidiiyauim kamkim sim nikrimtio kuuwiyin uruwai siyaowainan

yipikî iikamkîm sîm hainaniyîm simiirsiyîn aru
dwo. Iriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

5350dc83-93b2-5000-9c98-dcdb728ba84f